


U KUBĪKĪGWA-MWIPŪMBA

 Nsayigwa Tata Gwakumwanya, nu—nu Kuyapo kwa Mbepo Mwikemo kutalile kuli apa, uswe tukusegelela ku Lisyu Lyako. Kangi palema nalinga na masyu amabibi ukugela ukukolelela kunyuma, nu kuyoba a masyu itolo ukuya gwambolambambola kangi gwakiyīmika mūmo une mbagile ukuya, une ngusuma kuli u bulōngolelo Bwāko Bwamwakyala kangi ukupaka kwa Mbepo Mwikemo ukwēnda pakati pa uswe ikilo iki. Kangi Umwēne Yūyo yo njapo-palipōsa, Umwēne abagile ukwēga i Lisyu lya Kyala nu kupa Ilyēne ku ndumbula yiliyōsa, itolo bo uswe tukufūmbwa. Umwene alituswilaga uswe ikilo iki, pa findu ifinunu ifya Kyala.

² Kangi ikilo iki, akabalilo kāko uswe tukuyoba pa Lisyu, indumbula syītu siliyaga amamailosi mingi pa Kalvari, kūko Yeso āhōmbīle untengo umwīkutisye-mōsa gula ugu gwālōndigwe panongwa ya mabulongi amakulumba aga Kyala, ukufuma ku ngunda gwa Edeni. Kangi umwīsyūgu uswe tubagile ukusyāgānia ukuti uswe tuli baitolo nu busyūke Bwāke, kangi ukwīsila mu bufwe Bwāke, ukusyiligwa, nu busyūke.

³ Kangi ikilo iki uswe tukaya kangi ba kīsu mma, kabuno uswe tuguligwe nu ntengo gwa Lilopa ilipala ilya Mwanundumiana gwa Kyala. Kangi uswe, ni ndumbula imbālisyē, tuli sanukilaga kwa Ugwe ikilo iki, na lyōsa i līnogōno na maka, kangi kila uswe tulinakyo nkati myītu, nu kukubōmbēla Ugwe ni ndūmbula imbelelesye, insitakubwāpuligwa.

⁴ Tupaga ikilo iki, Tāta, linga balipo bamo apa aba bakakumanya Ugwe, mbuhobokelo bwa mbībi syābo, baliyaga abene ikilo iki ukwisa nukwilambika ku kipingika, kangi kula ukufumusyā imbibi syabo kwa Kyala uyu yo ngolofu, ukuhobokela. Kangi iki kiliyaga kilo ikikulumba kwa uswe twesa. Uswe tukusuma ikyene mu Ngamu ya Mwanundumiana Gwako, u Ntwa Yeso. Amenī.

⁵ Lilino uswe tukusyāgānia ukuti kukayako nayumo, nkīsu, uyu abagile ukufwānikisya u kwegā i Lisyu lya Kyala nukulisetula Ilyene, panongwa yakuti i Lisyu lisimbigwe nu bupūtiligwe. U Mbepo Mwikemo yo Nsimbi gwa Lisyu.

⁶ Kangi akabalilo kāko yumo ālōndesigwe, ku Mwānya, ukwēga u Būku nu kwābula i Fūngilo, akālīpo nayumo na yumoywene ku Mwanya, pamo nkīsu, pamo kūsi kwa kīsu, uyu āli gwakubagila ukwābula i Fūngilo sila, pamo nu kukētapo pa Būku. Kangi aalipo u Kang'osi Pala uyu aagogigwe ukufuma ku lwalo lwa kisu, kangi Umwēne isile nu kwēga u Būku ukufuma ku kiboko kya Umwēne uyu ālitūgēsye pa Kikota, nu kwabula i Fūngilo nu kwigula i Lisyu.

7 Kangi uswe ikilo iki tukwĩtika nu kusũbĩla mwa Umwẽne, ukuti Umwẽne isakwigũla i Lisyu kuli uswe, kangi lilino bo une ngubala mu ntu gwa 2 gwa Imbombo.

8 Mumo une ngupa panja, ubusiku bwakwanda bwali *U Kwisa Kwakibili*, kangi... ukwa Ntwa Yeso, ukuya Kitatu. Kangi Kihano nkilo twāli pa *I Likemo Ilikutisye-Mōsa*. Kangi Kihano nkilo twāli pa *U Luhōmbo Ulwikutisye-Mōsa; U Mpēlelēsye*. Ngimba umwe mwākipilikisye ikyēne nkilo kyamayolo? *U Bupēlelēsye*, mūmo uswe tubagile ukuya naloliloli basitakasolo kangi bapēlelēsye mmaso ga Kyala! Kangi ikilo iki ali pa *U Kubikigwa-mwipũmba*. Kangi kilabo, *U Busyũke*. Itolo bo amasiku gikukōnga.

9 Lilino une nsalile ikilo iki, ku bubale bwa Lisimbo lyāngu, ukufuma mwa Bũku gwa Imbombo, untu gwa 2 kangi amanandi ga 25, lya 26, kangi lya 27, ukōngānia. Kangi Ilyene likubala bo ulu, Peteri ikuyoba.

Davidi, kabuno Davidi aayobile ukufwana nu mwene,
Une nākētĩle-ngāni u Ntwa akabalilo kōsa pankyēni pa kisyo kyāngu, kabuno umwēne ali pa kiboko kyāngu ikitalusye, ukuti une ndingagutigwaga mma:

Polelo naloli indumbula yāngu yasekelelāga, kangi ululimi lwāngu lwāli luhobofu; ukongelelāpo umbili gwāngu gwisakutũsya mu lusũbĩlo:

Panongwa yakuti ugwe utisa kugulekaga u moyo gwangu mu gehena, somma gwĩsa ugwe ukwitikisya u Mwikemo gwako Yula ukuketa ububole.

10 Bo busimbe bumogi buki kuli ikilo iki, kuli ukwēga ulwālo lwa Umwẽne ukuya mwipũmba.

11 Ikĩndu kyākwānda uswe tukunyonywa ukukēta... ukukwāba ulutego lwĩnu kula, ko kusitakutoligwa kwa Lisyu lya Kyala. Kyala ikukyũnga i Lisyu Lyake, ku kasĩmbo. Kangi ikilo iki uswe tukulonda ukuumilisya aminogono gitu pa ikyo, ukuti Kyala ikwima ni Lisyu Lyake. Uswe tubagile ukwigēmekesya tuisimikisye kwa kalikosa aka Kyala ayobile mu Lisyu Lyake, ukuya Bwanaloli. Kangi u lusũbĩlo lutikwĩgēmekesya pa misānga igyakusemasema gya mĩnogōno ga mũndu pamo u bufundakyalala bwa mũndu, lōli ulwēne luli mu buyo ubwakwĩgēmekesya ubwabumalikisyo pa lisitakusemesigwe i Lyālābwe lya Lisyu Lyāsēpwa lya Kyala.

12 I Lisyu! Linga Kyala ayobile ikylene, ikyo kyo bwila Bwanaloli. Umwene akabagila ukukisosyamo ikylene nukuti, “Une ngāsānusyāga ikylene mma.” Une mbagile ukuyoba ifindu kangi ugwe ubagile ukuyoba ifindu, polelo uswe tuli nu lweke ukufimbilisigwa ukwega ilyene ukugomokesya, panongwa yakuti uswe twāyobile ilyēne nu bumanyi bwĩtu ubununu-ukukĩnda kangi nu bubagile bwĩtu ubununu-ukukĩnda. Lōli, polelo, Kyala yo fiyo nkindane ukufuma kwa

uswe. Umwene nsitampaka, polelo Umwene atikuyoba ikindu kimokyene pene papo ikyene kyo naloliloli kipelelesye. Umwene nasiku ukufimbilisigwa ukwēga ikyēne ukugomokesya, nasiku ukufimbilisigwa ukusum'uluhobokelo kuli iki Umwēne āyobile. Ikyēne kyo akabalilo kōsa kikwīma, u Bwānalōli.

¹³ Nakōpe kwa Yeso, mu ili amasiku amakulumba aga uswe tuli mu lusekelo, akabalilo kako Kyala naloliloli āsēngile u Mwanundumiana Gwake panongwa ya butulwanongwa bwa kisu, kwāli lumo amaelifu ga fyinja bo lukālimo siku u lwālo ukwāligwa. Kyala āyobile i Lisyu, kangī Ikyēne kyo kyombo ikimalisigwe ku Mwānya akabalilo kāko Kyala ikuyoba ikyēne; ikyēne kitalīle kimalīke. O, linga uswe tubagile ukukyagania iki kikusanusya, bo abandu abakindane nki uswe tukuyaga! Ukukéta mu Mabuku Gake, u bulongi ubu bubīkīgwe nkati muno ku basitakupilikila, ikyēne āngāli kikupela u mūndu ukwīlōnga mwēne, sala pa sala; kangī ikyēne āngāli kikupela ungolofu ukusāngaluka, sala pa sala, ukubala i sayo isi Kyala afīngile ku basūbiligwa. Kangī uswe tubagile ukwīgemekēsya basisimikisye ukuti i Lisyu lililyōsa lisa kuyaga lifwānikisigwe, itolo ukungimisyā u mōyo gwāko pa kyēne. Ikyēne kyo kabalilo kōsa kiyīle i njila yila.

¹⁴ Akabalilo kako Kyala ayobege kwa Noa, kubutali kula nkisu kya mogesyo; lumo pamo bo i Libangeli likāsibigwamo siku, pamo ili Bangeli, mulimosa, lyasibigwe siku; Kyala ālimbūlile Noa kula kwīsāga u mbelo, kangī amīsi gayaga pakukupilila i kīsu. Kangī kisita kapatu kamokēne ka bukēti ukuti ikyēne āngāli kikuboneka, kilikyōsa kyakīndānāga fiyo, Noa alinkwēnda nu lutēnde, kangī alinkuyēnga i ngalaba, alinkutēndēka iyēne. Iyēne yāli ku bupoki bwa bānyūmba bāke nu mwēne. Kyala akānsulumanisyēmo siku umwene, panongwa yakuti ikyene kyāli Lisyu Lyāke. Ikyene kyafimbilisigwaga ukuboneka akabalilo kako Kyala āyobile ikyene kikubonekaga.

¹⁵ Lilino, akabalilo kako Yobu, u Buku ugwaiyolo fiyo mu li Bangeli, uyu asimbigwe pamo bo akāli u Bwandilo ukusimbigwa, kangī ilyēne lyalyōngeligwēmo mwi Bāngēli. Kangī Mōse āsībīle u Bwāndilo. Yobu, mwa Buku gwāke, umwēne alinkutūsya nubusisya pa lufīngo Kyala ālintendekile umwēne. Kangī umwene alinkwimilila pa kyabupi kyake ikyakokya, kisita kutila mu ndumbula yake; amenye ikyo, iki Kyala āyobile, Kyala abagīle ukubomba. Kangī akabalilo kāko kilikyōsa kyabonekāga ukubūka kikukīndāna, Yobu ālimile gwākikinya panongwa yakuti ulufīngo lwa Kyala lwāli lwakwikinya. Kyala aafingile Yobu, kangī Yobu alinkwīgēmekēsya pa lufingo lula.

¹⁶ O, linga i kipanga kyābagīle ukufika ku buyo bula kūko ikyēne kyābagīle nubusisya ukwīgemekēsya pa i Lisyu Lyasyēpwa ilya Kyala ukuya Bwānalōli! Ko kukindananki uko kubagīle ukuyapo, ko kufūndigwa kuki kwisakuya ngapo, ko

kutumuligwāko kuki pala kubagile ukuya, bo buhobofu buki pala bubagile ukuyapo, go maka gaki pala āngàli gikuyapo, akabalilo kāko abanyāmbàla na bakīkùlu bābagile ukwēga u Kyala pa ntengo gwa pakisyo, iki Umwēne āyobile bo Bwānalòli. Kali ikyakusyungutila fiki kikuboneka ngati, ikyo kikaya nakyo nakimo ikyakubomba ni kyene. Kyala ayobile mumo; ikyo kikumasya isyene!

¹⁷ Kangi Yobu, akabalilo kāko umwēne āli mu kabalilo akageligwe fīyo aka bwīsibile bwāke bōsa; akabalilo kako umwene ālyāgigwe, mu Kuyapo kwa Kyala, u nnyambala ungolofu. Yōpe Kyala āyobile umwēne āli mpelelesye. Kikālīko nakimo bo umwēne nkīsu. Kangi Sētāno āpegīgwe u lusako ukungēla umwēne, ikuyoba, “Une nguntēdekāga umwēne ukugūna Ugwe ku kisyo Kyāko.”

¹⁸ Kangi umwēne kifuki ukwēga u būmi bwa Yobu, kangi āngàli abōmbile ikyēne, lōli Kyala āsīmibile ulukīndi lwa mpaka, alinkuti, “Ugwe ubagile ukubomba kalikosa ku mwene, loli komma ukwega ubumi bwake.”

¹⁹ Polelo akabalilo kāko Yobu ālīmīle pa kupesya kulakula kwa kabalilo akapalapala, umwene alinkuti, “Une mmenye u Ntabuli gwangu mūmi, kangi ku masiku gabumalikisyo Umwēne isakwimaga pa kisu kya pasi. Palema nalinga ifwīngīli sya kipapa sikonanga umbili ugu, loli mu mbili gwangu une nisakumbona Kyala.” Kali kwabonekaga kwāngisi bulebule, kangi ukwēne kwābonekaga kusitabwānalòli bulebule, kyalipo ikindukimo iki Yobu ākimisyēpo u moyo gwake, u lufingo lwa Kyala Lwasypwa. O, linga uswe tubagile itolo ukubomba ikyo! Kētēsya, umwēne ātūsīsye pa lufingo, “Une mmenye u Ntabuli gwāngu mūmi.”

²⁰ Kangi une ngulōnda umwe ukukētēsya, kuli a masyu agapankyēni une ngunyonywa ukuyoba, Yobu āsimikīsye ubuyo bwāke bwakusyiligwa. Kangi akabalilo kako Yobu afwege, umwene asyiligwe lulalula.

²¹ Ālipo unnyāmbāla uyungi, ni ngamu ya Abraham, uyu ālyēgile Kyala ku Lisyu Lyāke. Kangi umwēne ālitike Kyala. Kangi umwene aafikooliile ifindu ifyo ifi fyaali fyakulwana nu lufingo Kyala alimpele umwene, ukuya fifwane ifyene fikaaliko. Umwēne ālyēgile Kyala ku Lisyu Lyāke. Kangi akabalilo kāko a masiku gākīndile, kangi imilūngu kangi imyēsi, kangi fyōpe ni fyīnja fyākīndilepo, kila nasiku ukunsulumanisya Abraham na panandi. Ili Bangeli liyobile, “Umwene akapepelwikemo mma, ukwisila mu kwilamwa, ku lufingo lwa Kyala; loli aali nsubiligwa, ikupa ulutufyo kwa Kyala.”

²² Akabalilo kāko kilikyōsa kyābonekāga ukuya, ilisiku lililyōsa, ikyēne naloli kyābūkīle ukuya kikafupo ilisiku lililyōsa; loli mbuyo bwakuya monywa, Yobu ali namakako ilisiku lililyosa. O, bo buki ubusisimikisye ubusayigwa uswe tuli nabo!

Akabalilo kâko ubukafu bwâfwânâga bukufyûka ukutëndeka i kîndu, ukuti Kyala afingile, i kyâkusitakubagila, mbuyo bwa kutîla ukwêpukako, ukugomokela nkisu kya pasi, uswe tukufimbilisigwa ukwima nubukafupo ukukinda mumo uswe twalimilemo, pa ISI SYO IKUTI U NTWA. Ikyene kibagile ukusâtisya ikyêne, akabalilo kako Kyala ikuyoba ikindukimo.

²³ Kangi Abraham aakolile ifindu fila ifi fyâli, ukuya fifwane ifyene fikaaliko, panongwa yakuti ifyene fyaali kubutali ni Lisyu. Kangi akabalilo kâko Abraham âtagile ndumbula-nyâfu gwake nu nkasi, Sarah, ukufuma pa fyinja fingi ukwitugasya palikimo, umwêne alinkûla akayabo ka buyo kifuki ubuyo kûko Yôbu âsyîlîgwe, nukusyila Sarah. Mukuswîga nongwa ya fiki? Abêne bâli basololi! Abêne bâkêtile! Abêne bâlînkolîle Kyala! Kangi lilino akabalilo kâko Abraham âfwîle, umwêne âsyîlîgwe na Sarah.

²⁴ Lilino, umwêne akâlondâga abinitu aba ukumpapo umwêne ikiyabo kila kya buyo. Umwêne âlyûlîle ikyêne, pankyeni pa baketi. Lo luko luki ulumogi ulwa losyo. Umwene alyûlîle ubwene, pankyeni pa baketi, ukuti ubwene bwali bukabi bwake. O, iyo yo njila u mwitiki ugwanaloliloli âbagile ukwisa, komma ukunyâtuka pa nguto, lôli ukwîma pankyêni pa bakêti, “Une ne nketi gwa Ntwa Yeso, kangi gwa Mbepo Mwikemo, kangi isya mbombo Syake ingulumba,” kangi fingi fiyo bo uswe tukukéta ilisiku ilibibi ili likusegelela.

²⁵ Kangi polelo akabalilo kako u mwanundumiana gwa Abraham, uyu âli Isaki, u lufingo lwâyaga pakupegigwa umwene. Kangi akabalilo kâko Isaki âfwîle, umwêne âsyîlîgwe na Abraham. Kangi Isaki âpâpîle Yâkôbo.

²⁶ Kangi akabalilo kako Yakôbo âli...âfwîle kubutali pâsi mu Igupto. Loli ketesya, bo umwene akâli ukufwa, umwene alinkuyoba kwa nsololi mwanundumiana gwake, Yosefu, “Isaga apa, mwanundumiana, kangi bika ikiboko kyako pa nsana gwangu undemale.” Kabuno kumbukilaga mûmo umwêne âlemalîle, yo nongwa ya Gwândûmi gwa Ntwa âpalamasisye u nsana gwâke kangi umwêne ânyunyutukâga ukufuma ilisiku lila munkyêni. Umwene alinkuti, “Lambalika ikiboko kyako pa nsana gwangu, kangi lâta kwa une mwa Kyala gwa ba tata bitu, ukuti umwe mutikusyila une pâsi kuno mu Igupto.” Fiki? O, abêne bâli ni Lisyu, abêne bâli nu busetuli!

²⁷ Kangi une ndi imililaga apa, ukuyoba ukuti ikipanga kya Kyala gwabumi kiyengigwe pa busetuli Bwakyala; komma pa kipanga-kipâgûke, ifibugutila, komma pa fyîtikisyo pamo ifimanyisyo, lolî pa Bwanaloli bwamwambepo ubwa Kyala gwabumi.

²⁸ Abelo, mu ngunda gwa Edeni, âli nakyo ikyêne akabalilo kâko i kipanga ukwânda. Ngimba umwêne âménye bulebule

ukutwāla akang’osi? Nongwa ya fiki umwēne akātwele ikipaso bo yu Kaini ābōmbīle? Lōli ikyēne kyāsetulígwe ku mwēne!

²⁹ Yeso akabalilo kamo ikuyoba, alinkuti, “Ywani unnyambala ikuyoba Une ne Mwanundumiana gwa mundu ndi?”

“Bamo bātīle Ugwe gwe ‘Mōse,’ kangi ‘Eliya,’ na fyosa bo ifyo.”

Umwene alinkuti, “Loli Ywāni umwe kuyoba fiki Une ndi?”

³⁰ Umwe muketile, ikyene kitikwīgēmekesya pa iki umunduyumo uyungi ikwinogona, ikyene kyo iki umwe mumenye ukuya Bwanaloli. “Ngimba *umwe* mukuyoba fiki?” Ililālūsyo lila libagile ukwāgana na aligwesa gwa uswe nkisyo ikilo iki, “Ngimba ugwe kuyoba fiki?”

³¹ Kangi Peteri nakalinga ikuyoba mmwanya, kisita kwilāmwa kumo, alinkuti, “Ugwe gwe Kristi, u Mwanundumiana gwa Kyala gwabumi.”

³² Mumo Yeso Uyu āmenye isyakubutitu sya ndumbula syosa, kabuno Umwene akāli yumo nu nnine ukukinda Yehova ikwibonesya mu mbili, kangi Umwene alinkuti, “Uli nsayigwa ugwe, Simoni, mwānundumiana gwa Yonasi, kabuno umbili ni lilopa fikasetula iki kwa ugwe, lōli Tāta Gwāngu uyu yo ali ku Mwanya abōmbīle iki. Kangi pa lyālabwe ili Une nisakuyēnga i Kipānga Kyāngu, kangi ifipata fya gehena fitisakutola ukulwāna ni Kyēne.”

³³ Kangi uswe bāndu bo uswe tukwīsa nkyēni, uswe baLuteri tukulōnda ukwēnda nu lwītiko, uswe baMethodisti tukulōnda ukuywēga ukuyanakyo Ikyēne, umwe baPentekosti mukulonda ukuyoba mu ndimi ukwēga Ikyene, loli ago go mamailosi maelifu-elifu kalongo ukufuma ku Kyene.

³⁴ Ubwene bo busetuli bwa Ntwa Yeso Kristi, u Mundu gwa Umwene ikubonesigwa mu ndumbula, “Pa lyālabwe ili Une nisakuyēnga i Kipānga Kyāngu, kangi ifipata fya gehena fitisakutola ukulwāna ni Kyēne.” Ilyēne likubōmbēla nubupelelesye na Matai :24, 5:24, pamo, Mwikemo Yohani 5:24, “Umwene uyu ikupilika a Masyu Gangu, kangi nukummwitika Umwene uyu ālindūmīle Une, ali nu Bumi bwabwila; kangi atisakwisamo mu bulongi siku, loli akilenie ukufuma ku bufwe ukubuka ku Bumi.” Komma panongwa yakuti ugwe gwāli nu kusema kumo, ikitima kimo, lōli panongwa yakuti ugwe ufumile pakuya, u lusako ulwa kuya na Kristi lusetulígwe kwa ugwe ukufuma ku Mwanya, “Pa lyālabwe ili Une nisakuyēnga i Kipānga Kyāngu.”

³⁵ Kangi polelo, Yakōbo, akabalilo kāko umwēne āfwīle, u mwanundumiana gwāke āli nu mbili gwāke gwāpīmbīgwe lōsa, kangi umwēne āsyilígwe na Abraham, Isaki, Sarah, na Yobu, mu Fisu Ifikēmo, mu Palestina.

³⁶ Polelo, Yosefu, ukuya nsololi. Umwene ākabile kula mu Igupti. Umwene aamenye Kyala. Kyala ālisetwile Mwene ku mwene. Kangi akabalilo kāko umwēne āfwīle, alinkuti, “Komma umwe ukusyila ififupa fyāngu ukusuluka kuno, lōli bīka... akabalilo kāko... Ilisiku limo Kyala isa naloliloli ukubayātīla umwe!” Fiki? Umwene alinkwīgēmekēsya nubusisya pa Lisyu lya Kyala kwa Mōse, “Ifyīnja bamia bana abēne bisakubōmbēla ikīsū iki, lōli une nisakubatwāla abēne panja.” Umwēne alinkutūsya nubusisya pa Lisyu.

³⁷ Kāngi kyo kināngisyo kimogi nki apa, linga umwe mwīsakukētēsya. Aligwēsa u Hiburi ikukīsānia, ni nyuma yāke yikomīgwe mpaka litapa, na baguta-batumwa. Kangi akabalilo kako umwene aketege ififupa fya nsololi gwake, Yosefu, umwene aamenye ilisiku limo abene baasokaga. Namanga, ififupa fila fyālekīga kula kuli i kikūmbusyo, ukuti ilisiku limo abēne bisakusōkaga pānja.

³⁸ Ikyene kyāli ukufwana ifyinja kalongo-na-fihano pamo kalongo-na-lwele ifi fikindile akabalilo kako Billy Paul, undumiana unnini ali ni fyiinja fihano mbukusi, kifuki fiyo fingi. . . Uswe twāli na kaluba akanini uswe twēgāga ku lipūmba lya māma gwāke, ku bupānde-bwa-lisuba ulubūnju lumo, pa Paasa, itolo bo ilisuba likwīsa, ukwībilīla mwānya; pamo itolo bo kukāli ukukya, ilyēne lyāli, akabalilo kala ngubūka ku bubōmbēlo. Kangi bo uswe tukusuluka ku lipumba, unnini umwīnitū alinkufūla ikitili kyāke bo uswe tukusegelela kūko ulilūmbu gwāke unnini kangi u māma gwāke bāsylīgwe. Kangi umwene alinkwanda ukufwēngela nu kukuuta, kangi umwene alinkuti, “Tata, ngimba māma ali pasi pala nkibwina kila?”

³⁹ Une ndinkuti, “Umma, mwanundumiana. Umwēne akaya pási pala nkibwina kila. Umwene yo kaelifu-elifupo kanunupo ukukindapo ugwe na une.”

Umwene alinkuti, “Ngimba une ngwisakumbona māma kangi?”

⁴⁰ Une ndinkuti, “Ni lipyāna lya Kyala, linga ugwe kunyonywa ikyēne, ugwe ubagile ukumbona umwēne kangi.”

Alinkuti, “Ngimba umbili gwake gwīsa kufyukaga ngamo siku ukufuma ku lipumba ili?”

⁴¹ Une ndinkuti, “Luuki, igala amaso gako, kangi une ngukubulaga ugwe akapango akanini. Ifyīma bamia bīngi ifi fikindilepo, ulubūnju ulu, kwāliko i lipūmba lilēkīgwe bwāsi.” Une ndinkuti, “Ilyēne lyo likukūmbusyo ku ‘bala bābo bāgonil’utulo mwa Kyala isa Kristi ukutwāla nu Mwēne akabalilo kāko Umwēne ikwīsa.” Kisita nsyungulu gwa kwilamwa, une nubusisya ngwīgēmekēsya pa lufingo lwa Kyala!

⁴² Mumo Yobu gwa iyolo, akabalilo kako uswe tukupilika ukuti “ilīto ku līto, kangi ulufumbi ku lufumbi,” ikyene kikungumbusya une isya Longfellow, yuyo āyobile:

Ungambūlága une, mu mbalilo syabukūte,
 Būmi bo itolo njosi insitakāndu!
 Kangi umoyo go mfwāno ugu guli ntulo,
 Kangi ifindu fikaya ifi ifyene fikubonekela.

Umwene āyobīle:

Ena, ubūmi bo bwanaloliloli! Ubūmi bo
 kikoleléla-ngāni!
 Kangi ilipūmba lyo likaya kyakumalikíla
 kyāke mma;
 Kabuno ulufūmbi ugwe guli, ku lufūmbi ugwe
 kugomokelága,
 Kukāyobīgwe ku mōyo mma.

⁴³ Abēne bikukikōléla icyēne theofani, ukuti akabalilo kāko uswe tukusōkápo apa uswe tukubūka mu buyo bumu ubungi. Kilikyosa icyene kibagile ukuya, une ngwegaga i Lisyu lya ntumigwa, akabalilo kako umwene aayobile, “Linga ikitēmba icyamfu iki pamo ubuyo bwakwitugasyamo kisungulwike, uswe tulinakyo kimo kitalile kikugūlila, ukwenda ukufuma mu *iki* ukubūka mu Kila.”

⁴⁴ Abraham, Isaki, Yakobo, Yobu, bosa abasololi, abene basubilaga nu kwitika ukuti kwāli kukwisa u busyuke, ukuti u Ntabuli ayaga pakwisa. Abene bāsolvile isya Umwene. Enoki āsolwile isya Umwēne; āligēmekīsyē nubusisya, alinkufūnga ubukēti bwāke ni kyēne. Isaki, Yākobo, Danieli, Yeremiya, Ezekieli, abēne bīgēmekesyāga naloli pa kabalilo aka Mesiya abagīle ukwīsa.

⁴⁵ Kangi abēne balinkufwa kangi imyoyo gyābo gyābūkīle mu Paradiso. Abene balinkutoligwa ukubuka mu Kuyapo kwa Kyala, panongwa yakuti (uswe twalinakyo icyene ikilo kya mmayolo) ukuti i lilopa lya ngambako ni mbene likābagīle ukuswa i mbībi; ilyēne itolo lyākupililāga imbībi, likuyoba isya lisiku akabalilo kāko i Likemo ilipelelesye; panongwa yakuti ililopa mu kinyamana likaabagiile ukugomokela ku mwipuuti, kabuno polelo umwene angali akaleka mma ukupa amakemo ga luko lula.

⁴⁶ Loli akabalilo kako u Mwanundumiana gwa Kyala āfwile, u Bumi ubu bwāli mwa Umwene bukāli nakimo ikīngi loli Kyala, ukugomokela nu kutufwika uswe mu nyumba ya Kyala. Kangi lilino uswe twe bāna ba Kyala, u Būmi ukufuma mu Lilopa Lyāke.

⁴⁷ Lilino kētēsya mbibimbibi, bo uswe tukukōnga. Akabalilo kāko kunyuma mu Lwītikāno Ulukūlu, kangi bala bābo bālītīke kangi bīpūtaga, nu kufwa mu Lwītīko, ukugūlila ku kabalilo kala, inongwa iyi abasololi bala bābombile ikyo, kangi bālonidaga ukusyīligwa mu Palestina, abēne bāmenye ukuti ubusyūke bukābagīle ukuya mu Igupti. Ubwene bwayaga pakuya mu Palestina, mwene.

48 Iyo yo nongwa une nguyoba ikilo iki: Une ndinalo u luko losa ulwa ngamu; une ndikupasya iki abandu bikungōlela une, ikyo kitikusanusya ni kindu kwa une. Ikindu kyene iki une ngulonda ukubomba, kyo kumanya iki: ukuti une mfumile pakufwa, kangu ubumi bwangu bufisiigwe mwa Kristi, ukwisila mwa Kyala, nukufungiligwa na Mbepo Mwikemo; ukuti akabalilo kākō Umwēne ikukōlēla ukufuma nkati mwa bafwe, une nisa kwāmula pa lisiku lila. Nsyila une mwa Kristi, kabuno bala aba bali mwa Kristi Kyala isakutwala nu Mwene pi siku lila.

49 Ngimba uswe tukwīngila bulebule mwa Kristi? Bakorinti Bakwanda 12:13, “Nu Mbepo yumoywene uswe twesa tōsīgwe mu Mbili gumogwene, kangu twīsile ukuya benekaya bīnitu ba Kitangalala kya Kyala.” Uswe tukwīkōlēla ukuya bendanjila kangu bahesya pa kīsu iki, kangu mma, kisita kulōndesya ifindu ifi ifyankisu, lōli tukulōndesya kuli ukwīsa kwa Mwalafyāle unsayigwa ukwēga ukupoka i kiyabo, ukufuma ku nyānja mpaka ku nyānja insitampaka, akabalilo kako Umwene ikwisa mu lwimiko Lwake. Naloliloli, uswe tukugulila u Kwisa Kwake.

50 Kangu polelo kisita kwilamwa mminogono gangu, loli ikyo kyo iki Yeso āli nakyo mminogono Gake akabalilo kako Umwene āli apa pa kisu, kwāli kusitakutoligwa kwa Lisyu lya Kyala. Kabuno, uswe tumenye ukuti mwa Umwene mwitugasyaga mu bwisusye bwa Mbili Bwākyāla. U Bwākyāla bōsa bwāli mwa Umwēne. Umwene āli fyosa-fibili Tāta, Mwanundumiana, kangu Mbepo Mwikemo, loli ukwitugasya mu bubumbigwe bwa bundu; u theofani gwa Kyala, ikifwani ikikulumba ikya Kyala iki Umwēne āpelile u mūndu nkati, polelo ukumbīka umwēne nkīsu. Umwēne āli nu mbili. Kyala akaya kisita mbili. Kyala ali nu mbili, kangu ugwēne gukuboneka ngati nnyāmbāla. Mose aketile ikyene, abangi bakibwene ikyene, kangu ikyene kikuboneka bo nnyambala.

51 Kangu ikyēne kyo itolo bubonekelo, *iki* kili, kya iki Kila kili. Kangu kilikyōsa pa kīsu, ubumogi, u bunyafu, ubumogi bwa kīsu kyo nakimo ikīngi nkīsu lōli lyāmūlo ku kyapabutali kinunupo ukukīnda ikyo, iki kikugūlila akabalilo kākō uswe tukukileka ikīsu iki, kabuno kilikyōsa nkīsu kyo itolo kifwānikisyo kya kila kīkyo kili mu Mwānya. Kilikyosa iki kyo kinunu, kilikyosa iki kyo kigolofu, kilikyosa iki kyo kimogi, imipiki, injuni, kilikyōsa, kyo itolo kifwānikisyo kya iki kili mu Mwānya.

52 Ubumi bwitu bwene bo itolo kifwānikisyo, ubwene bo itolo nsyungulu kangu komma ikindu ikwabwanaloli, ubwene bo lubafu ulukwabwila-pasi, ikyēne kikwēga u bufwe ukufyūsya i kifwāni ukubīka uswe ukugomokesya mu theofani uswe tufumileko, polelo mu busyūke uswe tukwīsa mu bufwāne Bwāke, u mbili unsyūke. Kyo kimogi nki, kimogi kyēne mma, lōli ikyēne kyo kyānalōli, bwānalōli busisya bwa Lisyu lya Kyala Lyāsyēpwa ukuti uswe twīsa kuyaga bo Umwēne!

⁵³ Kētésya lilino, Yeso, ábyálígwe na maka gōsa ga Kyala, lōli akabalilo káko Umwēne ályágéne na Sétáno Umwēne akábōmbilèmo siku amaka Gáke galigōsa, Umwene alinkusōsòla itolo ku Lisyu! Umwene ábombile. Umwēne alinkuti, “Ukwēne kusímbígwe, ‘Umündu atisakuya nu bñmi nu nkati gwēne, loli ukwisila mu Lisyu lililyosa ili likufuma pa kanwa ka Kyala.’”

⁵⁴ Polelo ugwe ubagíle bulebule ukuyoba ugwe ubagíle ukwitugasya ku káya nukuya itolo nñunu Nkristi mñmo ugwe ubagíle ukuya ku kipanga? Ugwe ukabagíla ukubomba ikylene. Bala i Lisyu! U Mbepo Mwikemo ikulyesya pa Lisyu. I Bángéli bo Bulilo bwamwambepo bwa Kyala kuli i Kipanga Kyáke. Kangi u Mbepo Mwikemo yo Yuyo Uyu ikutwala Ilyene kwa ugwe kangi ikubíka-mbuyo Ilyene mu ndumbula, kangi nu kugw’ulupi ugwe kōnelel’amisi Ilyene. Kangi ulufíngo lulilōsa Lwakyala lwisakutwála itolo katikati iki Kyala áyobíle ikyéne kikubōmbága. Ikyéne kikufímbilisígwa, Ilyéne lyo Lisyu Lyáke, kangi Ilyéne lyo Bñmi.

⁵⁵ Lilino, une nālibwíbwe ukuti une nābagisénie itolo ukuya na sinda gwa sala. Ikyene kikwega une akabalilo katali fiyo ukufika ku iki une ngulonda ukuyoba.

⁵⁶ Loli ketesya Yeso mu sala yabumalikisyo, pamo ibili, ubwa bumi Bwake, mñgi, mñgi amabusololi gáfwanikisigwe.

⁵⁷ Yumo áyobíle kwa une, “Nkundwe Branham, *iki* kikufimbilisigwa ukuboneka, kangi *ikyo* kikufimbilisigwa ukuboneka.”

Une ndinkuti, “Ikyéne kibagile ukuboneka mu sala yimoyene.”

⁵⁸ Linga umwe mwisakubala i Lisalimo lya 22, kangi polelo kētésya isala-ya-bufwílo Yáke pa kipingika, Une itolo ngwíbwa lilino malinga amabusololi agapamwanya aga gáfwánikisígwe mu sala ibili pamo itatu sya bñmi Bwáke! Naloliloli, “Abene bālasile injayo Syāngu na maboko Gangu. Kyala Gwangu, Kyala Gwangu, fiki Ugwe undágile Une?” na fyosa bo ifyo, mumo Davidi ákútíle ikylene.

⁵⁹ Kangi polelo ikindu ikingi une ngulonda umwe ukukétesya, u Bwanaloli, ikiyabo ikisitakutoligwa ikye Lisyu lya Kyala. I Bángéli lyáyobíle, “Umwēne ikukyūnga fyōsa ififupa Fyáke, komma na kimokyéne kya ifyéne kyákonywíke.” Kabuno mu kyákwēgelèla, u kang’osi gwapāsa áli kyákwēgelèla kya ikyéne. Kang’osi abagiile ukuya kisita kasolo, nafimo i fifupa ifikonyoke fikufimbilisígwa ukuya mwa kang’osi. Kangi pa sala akabalilo káko Umwēne áli. . .Umwēne áfwile, abéne bábükile kula ukukonyola amalūndi Gáke ni nyūndo. Kangi itolo bo. . . Keta pa kabalilo akapalapala kala! U nnyambala ni nyūndo, itendekisye ukutika ifilundi Fyáke, loli i Lisyu lya Kyala lilinkuti, “Patisa kuyako ikifupa kimokyene kikukonyoligwa mu mbili Gwake.”

“Ngimba icyène kikubōmbigwàgwa bulebule?” Uswe tubūkemo nkati mwa mbibimbibi.

⁶⁰ Lisyu lya Kyala lyo Lyāsyèpwa! Linga i Lisyu lya Kyala lyo lipelelesye bōlula, bala bābo bali mwa Kristi bo itolo basisimikisye ukusyuka bomūmo bulipo u busyūke. Kyala yo itolo gwākufimbilisigwa ku Lisyu Lyake, ukubumbulusya ugwe, bomūmo Umwene abagile ukukupoka ugwe. Kabuno, Umwene, iyene lyo Lisyu Lyake ili lifingile icyene. Iyene lyo Lisyu lya Kyala, kang'i uswe tukaya nabo ubwabuke ukusōsyāko ku Lyène. Lōli itolo yoba, “Ikyène kyo Bwanalōli.” Itikaga Iyene! Kali kyo fiki kikuboneka, itika Iyene, mulimosa. Iyo yo njila bōsa ba abène bāfimbilisigwāga ukwītika Ilyène, kang'i uswe tukapāguligwàko ukufuma ku ikyo. Kyala āpele u Palestina kwa Israeli, loli abene bafimbilisigwaga ukulwa ku inchi yiliyosa ya mfu abene bākabile. Ulufingo lo lwako, loli ugwe kufimbilisigwa ukulwa pa inchi yiliyosa ugwe kwiyobela; u setano isakuketaga ku ikyo, naloliloli umwene ikubombaga.

⁶¹ Loli ketesya akabalilo kako abene bālītendekisye ukukonyola amalundi ga Ntwa Yeso, linga i nyūndo yābagile ukutika i kilūndi nu kukonyola icyène, Kyala āngāli āgīgwe ntūngūlu. Lōli bakālipo abōhēsi abākufwāna nkati mōsa mu butolwe bwāngisi ukwītikisya i nyūndo yila ukutika u mbili umpala gula. Kabuno Davidi, ifyinja bamia lwēle bo kakāli akabalilo kala, alinkuti, “Patisakuyapo nilifupa limolyene libongotwike mu mbili Gwake.” Lisyu lya Kyala likufimbilisigwa ukwima Bwanaloli.

⁶² Loli ngimba abene bābombile fiki akabalilo kala? Abène balinkwēga i ngwēbo nu kulasa iyène nkati mu lubafu Lwāke, kang'i i Lilopa na mīsi filikwīsa pānja, ukufwānikisya iki i Bāngēli lyāyobile, “Abène bātobwiile amaboko Gangu nu lubafu Lwangu.” I Lisyu lyāsisimikisigwe.

⁶³ Lilino akabalilo kako Umwene āfwāga, o, yo sala nsīsyā nki! Une ngwinogona isya lwimbo lula, kang'i, nubwanalolindumbula, icyene itolo kikumbela une ukwipilika mbubibi, akabalilo kako une ngwinogona ulwimbo lula ulu umwāti āsimbile ifyinja fingi ifi fikindilepo:

Nkati mmilyālabwe igi gikubaluka ni myānya
igi gikugwa ingīsi,
Mpoki gwāngu alinkwīnama untu Gwāke
kang'i alinkufwa;
Ikikīngo ikīgūke kilinkusetula i njila
Ku sangaluko sya Kumwanya ni lisiku
lisitabumalikisyo.

⁶⁴ Kang'i akabalilo kāko Umwēne ātulikīgwe pala, ukusulul'ilopa kang'i ikufwa, akabalilo kāko Umwēne alinkwīnāma untu Gwāke, ilisuba lilinkuya ni soni fiyo pa mwene, ukuketa pasi pa fipeligwa ifi Kyala āpelile mu kifwani

Kyake, bābagile ukufimbilisigwa ukuhōmba untēngo gwa luko bo lula ukutabula icyēne, i lisuba lilinkupika ukukēta pāsi pa kīsu mu sala yila. U mwēsi gwāli nkosigwa-soni fiyo mpaka umwēne alinkusōkāpo pa buyo bwāke. Kangi indōndwa silinkusyūmbutunya inyuma syābo ku kīsu. Kyo kindu kiliku ikibibi iki ubutulwanongwa bubagile ukuya! Mumo Kyala afimbilisigwaga ukubombela ni kyene!

⁶⁵ Kangi ukukēta bala abapūti abūgili, na maswēlo gītulike mu kisyo Kyāke. Unnyambala ālintikile Umwene pa ntu, nu lutete, kangi alinkuti, “Linga Ugwe gwe Nsololi, tubula uswe ywani akukomile Ugwe.” Yumo mwa bēne ākwābile i ndefu ukufuma ku kisyo Kyāle, nu kun’dupula Umwēne pa kisyo, kangi ālōndāga Umwēne ukwiyēgēla lōsa kuli Mwēne.

⁶⁶ Umwene alinkuti, “Linga i Kitangalala Kyangu kyāli kya kīsu iki, Une āngali nukutalula ngukōlēla Tāta Gwāngu, Umwēne āngali ikutumila Une abalagili-ba-mia kalongo na babili ga Bāndūmi.”

⁶⁷ Ikyēne āngali kyānduligwe, lōli ābagile bulebule Umwēne ukubōmba icyēne? Umwene itolo alinkutoligwa ukubomba icyene, kabuno icyene kyāli bāna Bake bene bikukūtila kuli i Lilopa Lyake. Ngimba umwe mubagile ukwinogonela u bāba, tāta, na bāna bāke bēne (mu ngīsi) bikukūta kuli i lilopa lya tāta gwābo? Iyo yo nongwa Umwene aabagile ukubomba nakimo ikingi loli ukufwa. Linga Umwēne akābōmbile, icyēne kyāli mpyūto ku bāna Bāke, icyēne kyāli mpyūto ku fipeligwa. Lōli Umwēne āfimbilisigwe ukufwa, ukupoka abāndu Bāke.

⁶⁸ Kangi akabalilo kako Umwene abombege, akabalilo kako Umwene inamisyege untu Gwake, ikisu icyaiyolo iki kilinkuya nu kutetema kukubopa ukukilania inyuma yāke. Ikyene kyāfimbilisigwe ukuya nu bukupame bwa lutende, kabuno ili Bangeli lyāyobile ukuti “ikīsu kyōsa, ukufuma ku sala yantāndatu ukubūka ku sala ya lwele-na-yimo, kwāli ngīsi, yāli pamwanya pa kisyo kyōsa ikya kīsu.” Kangi ikīsu kilinkuseniyendeka, kangi amalyālabwe galinkubongotoka. Kangi i kikīngo kya tempeli kilinkulepuka ukufuma pamwanya mpaka pāsi; i milyālabwe gya likemo gilinkugalabuka. U Mwanundumiana gwa Kyala gwabūmi āfwile. Umwēne āli mfwāno fiyo mpaka i lisuba lilinkukyāgānia icyēne. Umwēne āli mfwāno fiyo mpaka u mwēsi gulinkukyāgānia icyēne. Umwene aafwile fiyo mpaka indondwa silinkukyāgānia icyene. Umwene aafwile fiyo mpaka ikisu kyapasi kilikyāgānia icyene. Umwēne āfwile fiyo mpaka utumbakāsyā tulinkukyāgānia icyēne, ifyakusyūngutila filinkukyāgānia icyēne. Kilikyosa kyafimbilisigwaga ukumanya ukuti yula āli Mwanundumiana gwa Kyala! Kabuno, i Lisyu lya Kyala likābāgile ukutoligwa, Umwene āfingiligwe, ukufuma ku ngunda gwa Edeni, “Imbeyu iyi yisakukuyubula untu gwa liyoka.”

69 Lilino ngimba fiki fyābonike ku Mwēne? Ngimba Umwēne ābūkīle kugu akabalilo kāko Umwēne ālekīle ikipīngika nukubūka mu lipūmba lya Yosefu gwa Arimateya?

70 Umwene āli ndondo fiyo Umwene akāli nu buyo ukulambalika untu Gwake. Umwēne apāpīgwe nkibaga, ni ngamu inditu ku nyuma kwa Mwēne, ukuya “u mwāna unsigwana.” Umwēne āsekiḡwāga, u kūḡilīḡwa, ukulūmbūsīḡwa, mu kīsu. Umwēne alyūḡilīḡwe, nu kupīkīḡwa. Kangi akabalilo kāko Umwēne āfwīle, Umwēne āfīmibilisīḡwāga ukufwa ukwisila pa lufūndo ulukulumba, pakati pa bahiyi babili. Kangi bakāli nabo nu buyo ukusyila Umwēne, kangi Umwēne āsyīlīḡwe mu lipūmba lya nnyāmbāla uyūngi. U Kyala yulayula ugwa ku Mwanya ikwisa ku kīsu! Ngimba fyofiki uswe tukwīnogōna uswe tuli, ukuti tukufīmibilisīḡwa ukukīndamo nkabalilo ka kukubilwa? Iki Umwene ābombile kuli uswe! Inogona isya ikyene, mwinangu, funda isya ikyene.

71 U nsikali gwa kiRoma alinkuti, “Nalololi, uyo yo Mwanundumiana gwa Kyala.” Untulwanongwa āfīmibilisīḡwāga ukukyāḡānia ikyene. Yudasi alinkuyoba, “Une mbēsīsyē i Lilopa ilisitabusobi.” Umwēne alinkufīmibilisīḡwa ukukyāḡānia ikyēne. I kīsu kyōsa kyākyāḡēnie ikyēne.

72 Polelo ngimba Umwene ābukaga kugu? Akabalilo kako u mundu ikufwa, ngimba ikyo kikumalisya ikyene? Umma, nkulumba. Umwēne alinkufīmibilisīḡwa ukufwa injila yila panongwa yakuti i Bāḡēli lya Kyala lyāyōbīle ukuti Umwēne ikuyāga pakufwa injila yila. Kangi Umwēne āsūbīle i Lisyu lya Kyala. Iyo yo nongwa Umwene abagile ukuyoba, mbumi Bwake, “Bongotola i tempeli iyi, kangi Une nisakuyisumusya iyēne mmasiku matatu.”

73 Kabuno Davidi āyōbīle, ubuyo bumo, ntiga, mwi Bāḡēli, pāsi pa bupūtīlīḡwe, akabalilo kako Davidi, u nnyambala gwa Kyala, u nsololi uyu āpakīḡwe ni Lisyu, alinkuti, “Une ndisakwitikisya u Mwikemo Gwangu Yula ukuketa ububole, nalumo koomma ukuguleka u moyo Gwake mu gehena.”

74 Yeso aatile, “Umwe bongotola umbili ugu, kangi Une nisakugusyusya ugwēne mmasiku matatu.” Umwēne āmēnye ukuti i Lisyu lya Kyala likabagīla ukutolīḡwa. O, mwe!

75 Linga Umwēne abagile ukwigemekesya pene itolo pa ikyo, ukwitika ukuti i Lisyu lya Kyala likabagīla ukutolīḡwa, ko kukindapo kuki uswe tubagile ukwigēmekēsya nubusīsyā fiyo ukuti uswe tupāpīgwe kangī ukwisila mwa Mbepo Mwikemo, kangī Ikyēne u nketi mu ndumbula yītu papapa lilino ukuti uswe tumenye ukuti u Ntabuli gwītu mūmi kangī ikwīsa kangī ilisiku limo. Igēmekēsya usisimikīsyē ukuti bala bābo bali mwa Kristi isa Kyala ukutwalaga nu Mwene! Lilino ketesya.

76 Pala Umwene aalipo. Umwene aamenye ukuti nakamo akambakasya ka mbili kamokene aka kabagile ukubola. Isala

malongo-mahano-na-mabili-na-sibili, ububole bukwingila. Iyo yo nongwa Umwene akāsyelemo siku amasiku matatu. Umwene āfwile pa Kihano pamusi, āsyūkile Ndungu kulubunju. Lōli, ikyēne kyāli nkati mmasiku matatu gala. Nkati mwa masiku matatu gala Umwēne āyāga pakusyūka kāngi, panongwa yakuti Umwēne āsūbile i Lisyu lya Kyala.

⁷⁷ Apa Umwene ikubuka! Ngimba ko kūgu Umwene āsōkilépo akabalilo kāko Umwene āsōkilépo? Ili Bangeli lyāyobile, “Umwene āfyukile. Umwēne ābūkile nu kwakulūmbilīla ku myoyo igi gyāli mminyololo, igi gikāpindwike mu bukubilwa-butali bwa masiku ga Noa.” Umoyo Gwake, Mbepo Gwake, theofani Gwake gwa būndu Bwāke Mwene, alinkusulukila pasi. Unko uswe tunkonge Umwene. Ngimba umwe mukulonda, ikilo iki, ukunkonga Umwene amaminiti manandi? Unko uswe tukete kuko Umwene abukile.

⁷⁸ Itolo kūsi ku fiyabo fya bāndu bākufwa kukulāmbalāla ifiyabo fya maka ga misyētāno; pāla pa pala . . . itolo pamwanya pa pala pakulāmbalāla i myōyo gya basitabugolofu; pāsi pa ikyēne pikulāmbalāla ki kiyabo kilakila kya Sētāno, gehēna. Polelo itolo pamwanya pa uswe alāmbalēle u Mbepo Mwikemo; polelo pāsi pa Kigemo palāmbalēle imyoyo gya bāndu abagolofu; ikyakukōnga kyo Kyala Mwēne. Kimo kikubūka lwapāsi, kimo kikubūka kyapamwanya; i mbepo ibili sila apa pa kisu, sikusōnga abāndu ba kisu iki.

⁷⁹ Kangi akabalilo kako Yeso āfwile, Umwene ikufyuka mmwanya, pāsi pala. Une mbagile ukumbona Umwene pa Kihano pamusi pala, ukufuma pa bufwe Bwake, [Nkundwe Branham ikukung’usya pa kigemo—Nsimbi] ikukung’usya pa kifigo kya mabuyo ga batāgigwe. Unko uswe tunkonge Umwene i miniti. Ikifigo kikwiguka. Balipo abakikulu, bālipo abanyambala, bālipo abakikulu abanini, bālipo abakāngāle, abēne bōsa bāli palikimo nkati mula mbuyo ubunyali bwākukōleligwa nyumba ya minyololo gya myōyo imiyōnge.

⁸⁰ Līnga une nāli na kabalilo, une ngulonda ukukubula umwe. Kangi ikyene kibagile ukuya itolo mboniboni. Lōli akabalilo kamo une nāyātālele ubuyo bula, kangi ndinkulāta kuli kisa, akabalilo kāko une nāli ntulwanongwa ngukubūka pāsi pa bupānje. Akabalilo kako une ngusooka panja, une nalimile ku Bwingil’ilisuba, na maboko gangu ku Mwanya, kangi ikipingika kikumulika pa une.

⁸¹ Loli mbuyo bwakukūta kula, Yeso alinkwenda ukubuka kukifigo. Kilikyosa kyafimbilisigwaga ukubikīla ubukēti ukuti Umwēne āli Mwanundumiana gwa Kyala, panongwa yakuti abēne bālūmbilīgwe mbukubilwe-butali bwa masiku ga Noa. Ikukung’usya pa kifigo, Umwene alinkuti, “Une ne Yuyo Enoki āyobīlepo. Une ne Luyungu lwa nkikulu, uyu āyaga pakukūyubūla untu gwa liyoka. Lililyōsa i Lisyu lya

Kyala lifwānikisigwe; Une mfumile itolo pakufwa kwisilya ku Kalivari, kangu Une nūlile i Kipānga Kyāngu. Kangu u Yula uyu Enoki āyobilepo, Une ne Umwene.” Kangu abene bāli kisita kisa, kisita lusūbilo, panongwa yakuti abene bāsobile. Kangu i kifigo kyāligaliligwe mu kisyoyāke.

⁸² Ukukīndilila ukusuluka nkati mfiyabo ifya misyētano! Ukukīndilila ukusuluka ku fipata filafila fya gehēna! Umwene ikukung’usya pa kifigo. [Nkundwe Branham ikukung’usya pa kigemo—Nsimbi]

⁸³ Aka ko kabalilo kākō Umwēne āli mu lipūmba, umbili Gwāke gulimo, gukugūlila ubusyūke. Umwēne āyātīle amabuyo aga bagolofu kangu abaniongafu bīkubūkako; kūko ugwe kwisakubūkāga limo mwa masiku aga, ku būyo bumo pamo ubungi.

⁸⁴ Kangu Umwene ikukung’usya pa kifigo kya gehena. [Nkundwe Branham ikukung’usya pa kigemo—Nsimbi] Kangu, akabalilo kako Umwene ābombīle, u mōhesi ikusōka panja. Kangu une mbagīle itolo ukumpilika umwene ikuyoba, “O, kubumalikisyo fiyo Ugwe ufikile. Une nalololi ninogonaga une nāmālikēne na Ugwe akabalilo kākō une nāgogīle Abelo.”

⁸⁵ Umwe muketile, akabalilo kako u Luyungu lula lwafingigwe mu ngunda gwa Edeni, u mōhēsi kingikingi agelile ukubongotola Mbeyu yila. Kangu ubufwe bwa Abelo, kangu ukwisa kwa Seti, bwāli itolo bufwe, ukusyiligwa, nu busyūke bwa Kristi. Yila i Mbeyu yikufimbilisigwa ukukindilila. Kangu umwene āgelile ukubongotola Iyene.

⁸⁶ Umwene alinkuti, “Une ninogonaga ukuti une nakwāgile Ugwe akabalilo kako une naabongotwile Aabelo. Une ndinkwinogona Une nakwāgile Ugwe akabalilo kako une naabongotwile abasololi. Une nāli nsinsimikisyi Une nākūwāgile na Ugwe akabalilo kako une natumwīl’untu gwa Yohani. Lōli lilino, ukufuma bōsa, Ugwe gwīsīle. Une njīle na Ugwe lilino.” O, mwe!

⁸⁷ Une mbagile ukumpilika Umwene ikuyoba, “Sētano, isa kuno!” Umwēne yo Bwāna lilino. Ikufika pamwanya, ikukamata ifūngulilo yila ya bufwe na gahena pa lubafu lwāke, ukutulika iyene pa lubafu Lwāke Mwēne. “Une ngulōda ukupa ukulagilana pa ugwe. Ugwe guyīle nsyobekesi katali kafwēne. Une ne Mwanundumiana umpāpīgwe-munfunde gwa Kyala ugwabūmi. Ililopa Lyangu likāli libūdēle pa kipingika, kangu ikimeleligwa kyōsa kihombigwe! Ugwe ukaya nabo ubwabuke kangu’mma. Ugwe ufūligwe. Mbapo Une ifūngulilo sila!” Uko ko kutalusya. Ukusyūmbutuka ukusyūngutila nu kumpa umwēne ilinunu ilikafu ilibala, kangu ikusopa i kifigo palikimo, nu kuyoba, “Syālāga nkati mula! Une ne Bwana ukufuma lilino ukukindilila.”

⁸⁸ Lilino, Umwene akáli nasyo ifungulilo sya Kitangalala, panongwa yakuti Umwene ápele isyène kwa Peteri; uswe tukukaba fyosa ifi ndubunju, mu losyo lwa mmisi. Loli umwene ali ni fungulilo sya bufwe na gehena, kangi Umwene alinkusyega isyène; ukufuma pa busyuke Bwake, Umwene alinkuti, “Une ndi ni fungulilo sya bufwe na gehena.” Peteri ali ni fungulilo sya Kitangalala. Setano ali ni fungulilo sya bufwe na gehena; loli lilino Yeso ali nasyo isyene, Umwene yo Bwana.

⁸⁹ Apa Umwène ikwāndapo. Ikyēne kikufika Pāsa; akabalilo kakukísania mbimbibi. Lōli kilipo ikibugutila ikīngi. Ali kugu Yobu? Ali kugu Abrahamu? Ngimba abene bali kugu? Ngimba abinitu bala aba basubilaga i Lisyu lya Kyala? Ngimba Umwene ibwibwe abene? Ngimba u bufwe bwābapyūtile abene? Ngimba kila kyali kyōsa kya icyene? Nasiku, nasiku; Kyala ikufimbilisigwa ukukyunga i Lisyu Lyake.

⁹⁰ Une mbagile ukumbona Umwène. Unko uswe twēge akakētélo kanini nkati mwa Paradiso, nukukētésya pamwanya pala. Kangi une nguketa Sarah na Abraham bikwendendeka pala, kangi bo kakindilepo akabalilo [Nkundwe Branham ikukung’usya—Nsimbi] ikindukimo pa kifigo. Abraham ikubuuka kangi ikwiigula ikifigo, alinkuti, “Lūki, isaga kuno. Keta kuno! Keta apa, uyo yo Yuyo yulayula uyu ālimile na une pási pa nsyunguti ilisiku lila.” Umwene yo Kyala gwa Abraham.

⁹¹ Itolo polelo une mbagile ukumbona Danieli ikukéta ukukilania ikibega kyāke, nu kuyoba, “Ilyo lyo Lyalabwe ili lyākekigwe ukufuma ku kyāmba, itolo ukuya nsisimikisiyi mūmo une ngwīma apa.”

⁹² Une nguketa Yobu ikufyuka mmwanya, alinkuti, “Uyo yo Ntabuli gwangu uyu une ndinkuti Une nāmenye uyu āli mūmi, kangi ilisiku limo Umwene isakwimaga pa kisu kya pasi. Umbili gwangu gukabagila ukuya loli akakwisula isupuni kanini ka lito, loli mu maminiti kalongo na mahano ukufuma lilino une nisakuyaga mu gwēne kangi. Uyo yo Mwene.”

⁹³ Ezeieli ikukéta ukukilania pa mwanya, kangi alinkuti, “Une numbwene u Mundu yulayula ukuya Ligudumu pakati pa Ligudumu, likusyūmbutuka, kubutali mmwanya pakati pa mbepo.” O, mwe!

⁹⁴ Polelo pala ikwisa Enoki. Enoki āyobile, “Une nālimbwéne Umwène ikwisa na maelifu kalongo ga bikémo Bāke, ukwakubōmba u bulongi.”

⁹⁵ Kwāliko abikemo ba Lwītikāno Ulukūlu bikugūlila, naloli abēne bāli, pási pa buhōmbe bwa lilopa. Abēne bakābagile ukubūka mu Kuyapo kwa Kyala, Kyala gwa Kumwanya, panongwa yakuti i lilopa lya mbene ni ng’ōsi likābagile ukusōsyāpo u butulwanongwa.

⁹⁶ Loli Umwene alinkuti, “Bakundwe bangu, une ne Yuyo uyu umwe mukwinogona Une yone. Une ne Luyungu lwa nkikulu.

Une ne Mwanundumiana gwa Davidi. Une ne Mwanundumiana gwa Kyala. Une ne mpapigwe-mumfūnde Yula. I Lilopa Lyangu lihōmbile kuli icyene. Umwe mwāgūlīle pāsi pa lilopa lya ng'osi ni mbene, lōli lilino i Lilopa Lyāngu likuhombela, kangī umwe muli bābūke. Unko uswe tubūke kula, ukwēne kuli kifuki u Paasa.” Inogona itolo, ikyo kyāli itolo kifuki fyinja bamia kalongo-na-fihano-na-fina ni kindukimo ifi fikīndīle, ikilo iki.

⁹⁷ Une mbagile ukumpilika Abraham ikuyoba, “Ntwa, akabalilo kako uswe tukufyuka mu mbili gwitu kangī; kangī Sarah na une itolo twākiganile icyene kanunu; ngimba Ugwe kupāsyā linga uswe tukutēndēka kunīni ukwīma kwa mbimbibi mu luko lumo, pa nsebwe Gwāko?”

⁹⁸ Ena, une mbagile ukumpilika Umwene ikuyoba, “Fiki, umma, naloliloli umma. Une nguyaga pakwitugasya na bafundigwa Bangu ukufwana amasiku malongo mana. Kēta ukusyūngutila kangī kēta mūmo kilikyōsa kikubokela!”

⁹⁹ Pa lubunju lula ulwa Paasa (kuko uswe twisakweega ukufuma apo ndubunju, u Ntwa iganega) akabalilo kāko Umwēne āsyūkile ukufuma ku bafwe, i Bāngēli lyāyobīle, ukufwāna nu Mwikemo Matai 27, ukuti “Bīngi ba bīkemo aba bāgonile ndufumbi lwa kīsu, bafyūkile nukusōkāmo mu mapūmba.” Ngimba āli ywani umwene? Abraham, Isaki, Yākobo, Yobu, bala bābo ukwisila mu busetuli bwamwambepo ubusetuligwa bāmenye ukuti u Ntabuli isakwimaga pa kīsu ilisiku limo. Abo bo bēne, ifipaso ifya kulubukila fya bala bābo bāgonil'utulo. Pala abene balinkwingila nkaya. Une mbagile ukumbona Sarah na Abraham, batubwa, kangī bīswile nu... kangī bamogi, kangī—kangī bīswile nu bumi, nasiku ukuya bakangale kangī mma, siku ukuya babine kangī mma, nasiku ukuya ni njala kangī mma, ukwenda ukusyungutila mu mbili gwabo.

¹⁰⁰ Kaifa imile pala, ikuyoba, “Umwe mumenye fiki? Kyalipo ikindukimo kyabonike ilisiku limo, keta itolo ku kinyanyasi i tempeli iyi yilimo! Pala kulipo... Uswe tukuyaga pakufimbilisigwa ukwēga umunduyumo ukusona ikisigo kila mōsa. Kēta lila, i bokosi lya likemo ligalabusyīgwe. Ngimba kyābonike kyo fiki? Ngimba u Miana yula u mmanyandondwa? Ngimba Umwene āli ndosi? Pamo, ngimba fiki fyābonike? Yoba! Isaga kuno, Josephus, ywāni yula abakeke babili bīmīle pala?”

Abraham alinkuti, “Sarah, uswe twāganigwe. Uswe kinunupo tusokege panja.”

¹⁰¹ “Bābonike ku bīngi!” Ikyo kikāli kyōsa kya icyēne mma. Bo tukwigala, kētēsya. Ilisiku limo akabalilo kāko ukufuma pāpo Umwēne āli... abēne bāyātīle; Abraham, Isaki, Yābōbo, na bōsa ba bēne bāyātīle ikīsu kya kumyābo. Akabalilo kako Yeso afyukile mmwanya...

102 Ugwe kuyoba, “Nkundwe Branham, ngimba ikyo kyo kyākapango?” Umma, nkulumba! Une ngubanangisyaga umwe mu Masimbo, mu miniti yimoyene.

103 Akabalilo kāko Umwēne alinkwānda ukubūka kula, abēne balinkumbona itolo Umwēne, lōli abikēmo ba Lwītikāno Ulukūlu balinkubūka nu Mwēne, kabuno i Bāngéli lyāyobile ukuti “Umwēne ālongolile ubutumwa bwābutumwa, nu kupa ifikungilwa ku bāndu.” Kangi une mbagile ukumbona Umwēne bo Umwēne ikubūka mmwanya, kangi ikulungisania ni kipanga Kyāke.

104 Babili Bāndūmi ukufuma ku kibugutila aba bākubaga u bwīmbo, bikwīsa ukugomokela pala, kangi balinkuti, “Umwe banyambala ba Galilai, nongwa ya fiki umwe mwīmile mukukētēsya? Kabuno u Yeso yulayula, uyu ānyakiligwe mmwanya, ikwisāga kāngi.” Naloliloli! Abēne balinkubopela ukugomokela ku kulungisania mu bubāmba.

105 Kangi ukusuluka ukukīnda i myānya Yeso na bikēmo aba Lwītikāno Ulukūlu balinkubūka. Abēne balinkukīsānia u mwēsi, abēne bākīsēnie i lisuba, abēne bākīsēnie i ndōndwa. Kangi akabalilo kāko abēne balinkufika mu bukētelo bwa kula ukukulumba, imimogi i Myānya imyēlu, abikēmo ba Lwītikāno Ulukūlu balinkulāta mōsa, bikwāndisya i Lisīmbo, “Inuka mmwanya, umwe fipata ifisitakumalika, kangi muyege umwe mwīnusigwe mmwanya! Inuka mmwanya, umwe fipata ifisitakumalika, kangi muyege umwe mwīnusigwe mmwanya! Kangi unko u Mwalafyale gwa Lwimiko īse nkati!”

106 Bōsa Bandumi balinkwibungania pa mwanya pa masulukilo ga ku Mwanya, nu kuti, “Yo ywāni u Mwalafyale gwa Lwimiko uyu?”

107 A bikēmo ba Lwitikano Ulukūlu baayobile, “U Ntwa ugwa kilundilo, gwamaka mu bwite! Umwene aali Mponjoli!”

108 U Gwāndumi alinkubīnda i batani ilinywāmu, kangi ifipata fyāmbawe-amapala kilinkubebeluka ukwīgūka.

109 Mulamula ukusuluka ukukīndamo a Kāya ka Yerusalemu ikwīsa u Mpōnjōli unkulumba Ugwamaka, ukutwala abikēmo ba Lwītikāno Ulukūlu. Ikibugutila kya Bāndumi kikukuba, bo a Bāndumi bikulalāta. Umwēne āli Mpōnjoli Gwāmaka! Umwene āli ni fungulilo sya bufwe na gehena situlikigwe pa lubafu Lwake, ikubūka palapala ukusuluka ukukīsānia utwāya-twabunyafyāle twa Lwīmiko mpaka Umwēne alinkufika ku Kikota. Kangi Umwene alinkuti, “Tata, apa abene bali. Abene bikwītika, mu lwītiko pa Lisyu Lyako, ukuti Une ngwisaga ilisiku limo. Une mbōnjwile fyosa-fibili ubufwe na gehena.” Ngimba ikyēne kyāli fiki, nkundwe? Umwēne āli ni fikoko nkiboko Kyāke, ukunāngisya ukuti Umwēne āfumile pakuya mbwīte. Lwimiko kwa Kyala pa Mwanya ukukinda! Umwene

yo Mponjoli Gwamaka yula! “Apa abene bali, Tata; Abraham, Isaki, na Yākòbo.”

¹¹⁰ Une mbagile ukumpilika Umwene ikuyoba, “Mwanundumiana, fyuka kuno ku lubafu Lwangu, nu kwitugasya pási mpaka Une ngutendeka u ndugu aligwesa ikyākukanyilapo Kyāko.” Nkundwe, ilisiku limo Umwene ikwisaga kangu, kangu lyo lisiku liki ilyene lisakuyaga!

¹¹¹ Umwēne akāli ndūlāle akabalilo kāko Umwēne āli mu lipūmba. Uswe tukwīnogóna Umwēne ālambalēle itolo pala, mfwāno. Lōli Umwēne āli pási akāli ikupōnjōla, Umwene alinkubuka kula nukwakwega ifungulilo ukusōsyāko ukufuma kwa Sētano, Umwene ali ni fungulilo sya fyosa-fibili bufwe na gehena, ikilo iki. Umwēne alinkuti, “Panongwa yakuti Une ndi mūmi, umwe mubagile ukuya nu būmi, nūmwe.”

¹¹² Une nguswiga ikilo iki, nkundwe gwangu umpala, kalumbu, ngimba ugwe gwīnogwīne kila nindumbula-yosa? Ngimba umwe mukusyagania ukuti umwe itolo muli bumi panongwa yakuti Umwene mumi? Ngimba ugwe upālisye ikyēne nukufwāna ukwīyipa lōsa gwīmwēne, nu kuyoba, “Kyala, apa une ndipo, u ntulwanōngwa, yaga gwākisa kwa une”? Ngimba ugwe gwītikisyēmo siku lila i Likemo ilikutisye-lōsa? Ngimba ugwe umbūlilēmo siku Umwēne ugwe gwālinganile Umwēne? Ngimba ikyēne kikufulasya ubwīpilike bwāko akabalilo kāko ugwe kubōmba ubusobi? Linga ugwe ukisāmo siku mu bwēndemo bula lilino, mu bubīkigwa-mulipūmba ubu! Akabalilo kako, akabalilo kitu kakumalika. Itolo ngwipilika kanunu! Loli, une nguswiga, linga ugwe ukāmbililamo siku Kristi ukuya Mpoki gwakonagwako, Une nguswiga linga umwe mubagile ukubomba ikyene akabalilo kako uswe tukwinamisya imitu gyitu itolo pakabalilo mu lisyu lya lwiputo.

¹¹³ Kuba ulo, *Nkati Mmilyālabwe Gikulepuka*, linga ugwe ubagile, Kalumbu Gertie, linga ugwe uli nalo ulwēne. Umma ndaga, kalikosa kakubōmbāga.

¹¹⁴ Ni mitu gyinu ginamisigwe, une ngubasumaga umwe ililalusyo ilyabwanaloli-ndumbula ilyānalōli. Kumbukilāga binangu, ntulwanongwa pamo mwikemo, ugwe ukasōkapo pa kuyapo akabalilo kāko uswe tukusyila ugwe. Umojo gwāko guli pabuyo bumo. Lilino, Yeso āyātīle amabuyo gōsa-mabili, ukufwana na Masimbo. Ko kūgu abagile Umwēne ukūkwāga ugwe linga ugwe gwābagile ukubūka ikilo iki? Ngimba ugwe ubagile ukuya ni kifigo kya kisa kikwīgaliligwa nkisyo kyako, nongwa yakuti ugwe unkānile? Kumbukilaga, akaya Umwēne itolo Mpoki mma, Umwene yo Ndongi. Ugwe gwe ndongi lilino, ngimba ugwe kundonga Umwene bulebule? Unko Umwene ayege Mpoki gwako lilino.

¹¹⁵ Akapango akanini kakwisa ku linogono lyāngu. Akabalilo kamo aka kakindilepo u ndumiana unnini ālitugesye mu i—

igileta. I ndusu yilinkutusulila ukusuluka u lukĩndi, kangi i falasi silinkubopa ukusokapo, umwēne ābūkàga ukukilania ulugēnge. U ntubwa untimang'ombe alinkubopa nu kusīmika i falasi itolo bo likāli i gilēta likabūka pamwanya pa lupānga, nongwa yakuti ilyēne lyāli nu bōnda mu lyēne. Umwēne alinkuponesya akabumi ka nnini yula.

116 Ifyinja fingi ukufuma apo, imile mu lubingilo lwa bulongi. U ndumiana yuyuyu ābōmbile u bunyāmbūta, ālyēgile u nsebwe ugu gwāli nsobi, alyāgigwe ntobesigwe. Umwēne ānwāga, ukulagusya, ātusulile u mūndu; kangi āli ntobesigwe, ālyāgigwe ntobesigwe. Kangi undongi alinkufyuka kangi alinkuti, “Une ngutumula ukuti ugwe kutulikigwa pa makosi gako mpaka ubumi bwabufwe bwako bukindile.”

117 Unnyambala unkeke yula alinkuti, “Ndongi!” Kangi umwēne alinkupāngūla ubukĩnde bwa bulōngi, bo umwēne ānyēlile ukukilania ulupaso nu kugwa pa njayo sya ndōngi, kuli i kisa. Umwene alinkuti, “Ndongi, keta ku kisyo kyangu! Ngimba ugwe ukampanya une?”

Umwene alinkuti, “Umma, mwanundumiana, une ndikubomba mma.”

118 Umwēne alinkuti, “Ugwe kukūmbuka u ndumiana yumo unnĩni uyu ugwe gwāponisye, ifyĩnja fingi ifi fikĩndilepo, ukufuma ku falasi iyi yābopile?”

Umwene alinkuti, “Ena, une ngukumbuka icyene.”

119 Umwene alinkuti, “Une ne ndumiana yula.” Umwene alinkuti, “Ndonganongwa, ugwe gwalimbokile une akabalilo kala. Uli mboka une lilino!”

120 Undongi alinkukēta pāsi ku mwēne, kangi alinkuti, “Mwanundumiana, ilisiku lila une nāli mpoki gwāko. Umwisyūgu une ne ndongi gwāko.”

121 Umwisyūgu Umwene yo Mpoki gwako, ntulwanongwa, kilabo Umwene abagīle ukuya Ndongi. Unko uswe twĩnogone lōsa icyēne lilino, bo u bwĩmbilo bukukuba. Kangi aligwēsa ikwĩpūta, bala bābo bali pa nōngwa sya kwĩpūta na Kyala.

122 Une nguswiga ikilo iki lilino, mbibimbibi, bala bābo bikulōnda ukumwītíkĩsya Kristi ukuya Mpoki gwa pamwene, kuyoba, “Kyala, yaga gwakisa kwa une, untulwanongwa. Une ngulōnda ukwīsa ni Lilopa ilyonesigwe. Une ngatele isya kwĩngila fipanga nukubopela ukufuma ku buyo ukubuka ku buyo. Une ngulonda ukupapigwa kangi. Une ngulonda ubwendelemo mu ndumbula yangu ukuti une mmenye ukuti Kristi isetwile Mwene kwa une, ukwisila mu busetuli bwamwambepo ubu ugwe itolo uyobīlepo, Nkundwe Branham. Une ngulonda ubusetuli bwamwambepo, u Mbepo Mwikemo mu ndumbula yangu, ukumbela une gwābūmi, ukutwāla Kristi gwānalōli kīngipo kwa une ukukĩndapo une njĩlile kwa

nĩmwène. Une ngunyonywa ubwendelemo bula, Nkundwe Branham. Ngimba ugwe kunyiputilaga une mumo une ngufyusya ikiboko kyangu?” Ngimba ugwe kufyusyaga ikiboko kyako lilino, uyu ikulonda ukukumbukiligwa. Kyala akusaye ugwe, nkikulu. Kyala akusaye ugwe kunyuma kula, nkikulu. Ikyo kyo kinunu. Kyala akusaye ugwe, nkulumba. Ikyo kyo kinunu. Fyusya ifiboko fyinu, lilino bukaga kĩndililaga mmwanya ni kiboko kyako.

¹²³ Ugwe kuyaga gwasoni bulebule? Ngimba ugwe ubagile ukupĩka ikya luko bo Ikyo, mwĩnàngu? Kumbukilaga.

¹²⁴ “O,” ugwe kuyoba, “Nkundwe Branham, abalumbilili balumbilile ku fyinja.” Une mmenye, lōli limo mwa masiku aga abēne bisa kwĩmaga ukulumbilila. Kangi mūmo ifindu fikubonekela, ikyēne kibagile ukuya lululu itolo. Ugwe kupilikaga ubulumbilili bwako ubwabumalikisyo. Nubwanaloli-ndumbula, ulu lubagile ukuya lwabumalikisyo lwako.

¹²⁵ “O,” ugwe kuyoba, “Une ndi nkeke.” Ikyo kikaya ni mbombo. Ubufwe bukaya nu luyindikio lwa mundu nayumo, pamo ubukusi, pamo u bubagilo.

¹²⁶ Ngimba ugwe lilino kummwitikaga Umwene ukuya Mpoki gwakonagwako, ukwisila mu kufyusya ikiboko kyako, kuyoba, “Kyala, yaga gwakisa kwa une?” Fyusya ikiboko kyako na bangi ba aba, nu kuyoba, “Lilino une ngulonda ukwitikisya Kristi.” Ngimba ugwe kufyusyaga ikiboko kyako?

¹²⁷ Umunduyumo uyu agomokile-nyuma, yoba, “Kyala, yaga gwakisa kwa une. Une ngulonda ukugomokela kwa Kristi ikilo iki, ukuti kilabo kibagile ukuya busyuke, ubupya, kwa une.” Ngimba umwe mubagile ukufyusya ifiboko fyinu? Twalaga mmwanya ikiboko kyako, yoba, “Yaga gwakisa kwa une. Une ngulonda lilino ukwisa.” Ngimba ugwe kubombaga ikyene? Fyusya ikiboko kyako, utigi, “Une nāli ngomokelanyuma, loli ikilo iki...” Kyala akusaye ugwe, nkikulu. Kyala akusaye ugwe. Ikyo kyo kinunu. “Une ngwitikisya Kristi ukuya Mpoki gwangu gwa nimwene. Une ngumwitikaga Umwene ikilo iki. Une nēmbelile, ifyĩnja fĩngi kubutali na Kyala, lōli lilino une ngwisa ku kāya.” Ngimba umwe mwisakwitikisya Umwene ikilo iki, ukuti ubu lumo bukuyaga busyuke ubupya kuli umwe, u bumi bwako ubwaiyolo bubagile ukumalisigwa?

¹²⁸ U nkikũlu uyu ikwĩsa ku kigemo, ukutēndeka ubulāte bwāke, u kwĩma. Umunduyumo uyungi ikulonda ukwegu ubuyo bwabo apa, isaga kuno nu mwene, pa kufumusya kwabo? Ngimba umwe mubagile ukwima, nukwisa ku kigemo, numwe? Ikgemo kigwike. Naloliloli. Isaga itolo kunokuno pamwanya, lilino. Linga ugwe kulonda ukwima apa nukwiputa, ikyene kikuyaga itolo kinunu mosa. Isaga kunokuno. Ngimba ugwe kwisaga? Pa bwilāte bwa lwĩtiko lwāko, pa lwĩtiko lwāko

mwa Mwanundumiana gwa Kyala, ngimba ugwe lilino kwisaga? Umma ndaga.


¹²⁹ Ikyène kili kwa ugwe, ugwe kumbuka. Ugwe gwe yūyo. Ngimba ugwe gwe ntulanongwa? Ngimba ugwe gwe ngomokelanyuma? Ngimba ugwe utalele kangi usokilepo ukufuma kwa Kristi? Kangi ugwe kulonda ukuti ufusyigwe mbupya nu Mwene lilino, kwanda ubumi ubupya? Bule ugwe, ndume nu nkasi mwe mwāli ku—mwāli ku fyāpānja kuli akabalilo katali, mukūmana mu nyūmba yīnu? Ngimba umwe mutikwisaga nukugolosya i kindu kila na Kyala na yumo nu nnine lilino? Tēndeka Pāsa naloliloli u Pāsa kuli ugwe, anda akāya akapya.

¹³⁰ Bule ugwe gwe gukayamo siku, ukuyamo siku nu lwīpūto mu nyūmba yāko, ugwe itolo kubūka ku kāya ukufuma ku kipānga nu kugela ukwītūgāla ubununu ukukīnda ugwe ubagile, nasiku ukutwāla ikikolo palikimo nukwīpūta? Iyo yo nōngwa uswe tuli nu lupubisyo lwa bānike ni findu uswe tulinafyo. Iyo yo nōngwa utwāya twaAmerica tubongotwike lōsa. Ngimba utikwisaga ugwe, anda mbupya ikilo iki? Ngimba ugwe kubombaga ikyene? Ugwe ukoleligwe. Kumbukilaga, une ne ndumbilili gwāko lilino; une nisa kuyaga nketi pa lisiku lila.

Bo uswe twinamisye imitu gyitu pasi, polelo, lilino ku lwiputo.

¹³¹ Tata gwitu Gwakumwanya, ikilo iki uswe tukutwala kwa Ugwe ikilundilo iki, mu busisya ubwabusisya ubwīkemo ukukīnda-fyōsa ubu uswe tumēnye bulebule. Uswe nubwīyisye tukusegelela i Kikota Kyāko. Kangi ukufuma pa Ndumi ikilo iki, ukuti, kula ukubīkigwa-mulipūmba ukukulumba, Umwēne akalambalelēmo kimyēmye, umōyo Gwāke gwābūkile ukutalula nkyēni mu mfiyabo kangi alinkumalisya i mbombo ya Kyala, iyi Umwēne āsūnguligwe ukubōmba. Kangi kilabo ndubunju, uswe tukwāga kūko Umwēne ābūkile ukukīndamo mu mabulagili pamwanya, ukupōnjōla filifyōsa, mu busyūke Bwāke. Lōli Umwēne āsōkāga pānja pa lubunju lwa Paasa panongwa ya busaligwe bwītu. Kangi uswe tukwāga ukuti Umwēne ātumile u Mbepo Mwikēmo ukugomokela, ukutobesya abāndu isya butulwanōngwa.

¹³² Kangi uswe tukusuma ikilo iki, Ntwa, ukuti bala bābo bafyusisye amaboko gābo bali kumbukiligwaga pankyeni pa Ugwe. Aminogono gabo gali yaga ukufuma ku ndumbula syabo ikilo iki, ukuti abene bambilile Ugwe, kangi bīkwītika Ugwe, kangi abēne bali fūngigwāga ni Fungilo ya lufingo ikilo iki, u Mbepo Mwikemo. Tupaga ikyene, Tata. Kabuno, uswe tukubabika abene kwa Ugwe, ni Ndumi iyi ikilo iki. Lilisayaga Ilyēne bala bābo bapilike Ilyēne, bala, Ntwa, bābo bisa kwēga Ilyēne na bēne ku kāya kābo, nu kuyubika Ilyene lisolofu mu ndumbula syabo. Baliyaga abene bumi pa Lisyu lya Kyala.

Tupaga ikyene, Tāta, kabuno uswe tukusuma ikyene mu Ngamu ya Kristi. Ameni. 

57-0420 U Kubikigwa-mwipũmba
Kitembe Kya Branham
Jeffersonville, Indiana U.S.A.

KYANGONDE

©2024 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Ukusasania isya kwegwelelakwegelela

Ukusoka isya kwegwelelakwegelela. Ubwabuke bosa bukanisigwe. Ilibuku ili libagile ukubindikisigwa mfikalatasi pa kompyuta ya kunyumba ukuti ufibombelege imbombo yuyugwe pamo ukubayabilako abangi, kisita kuhombigwa, fiyege fyombo fyakubombela imbombo pakusasania Inongwa inunu isya Yeso Kristi. Ilibuku ili likabagila ukuulisigwa, pamo ukubindigwa ukuti gayege mingimingi, pamo ukusanusigwa pa webusaiti, pamo ukubikigwa mmakina agakusungasunga, pamo ukusanusigwa mu ndimi isingi, pamo ukulibombela imbombo iyakusyagilamo ihela kisita kwitikisigwa mwakalata unsimbigwe ugwa Voice Of God Recordings®.

Linga kulonda upilike inyingi pamo ifyombo ifingi ifi filipo ulisimbilaga ku:

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.

www.branham.org